

疆

郊

藝

書

鄮峰眞隱詞曲目錄

卷一

望海潮

三

感皇恩

二

滿庭芳

九

慶清朝

驀山溪

青玉案

三

西江月

喜遷鶯

六

點絳脣

四

木蘭花慢

臨江仙

三

鷓鴣天

四

蝶戀花

寶鼎現

最高樓

明月逐人來

蹋莎行

生查子

江城子

浪淘沙令

瑞鶴仙

水龍吟

永遇樂

迎仙客

南浦

夜合花

人月圓

粉蝶兒

教池回

如夢令

洞仙歌

醉蓬萊

聲聲慢

秋藥香

漁家傲

卷二

花心動

水龍吟

瑞鶴仙

喜遷鶯

菩薩蠻

南浦

青玉案

花心動

卜算子

永遇樂

鵲橋仙

瑞鶴仙

念奴嬌

芰荷香

清平樂

八

朝中措

七娘子

惜黃花

浣溪沙

臨江仙

感皇恩

滿庭芳

撲胡蝶

蝶戀花

臨江仙

粉蝶兒

瑞鶴仙

永遇樂

青玉案

滿庭芳

臨江仙

好事近

念奴嬌

三

白苧

浣溪沙

七

武陵春

千秋歲

新荷葉

醉蓬萊

瑤臺第一層

如夢令

六

南歌子

畫堂春

杏花天

臨江仙

鄮峰真隱詞曲卷一

鄮史浩直翁

望海潮

叔父知縣慶宅并章服

煙籠香徑霞舒花砌東君繡出芳辰蝶羽弄晴鶯聲轉
巧熙熙舞態歌脣綸制出嚴宸錫耀春品服榮曳緋銀
向此華塗要路顏色倍精神珠簾碧甃方新有蘭堂
快目水榭通津玉甃蘸清金虬藹翠輪蹄盡集簪紳偕
老指雙椿望武林咫尺同上青雲異日重爲此會應羨
鳳池人

二

汪漕慶壽

煙濃柳徑霞蒸花砌春深特地芳辰蝶侶鬪狂鶯雛弄
巧雍容舞袖歌脣西園集簪紳正桂薰蘭玉天壽松椿
競捧瑤觥潋灩來祝縱懷人當年輟侍嚴宸有星軺
問俗熊軾臨民康阜政成蕃宣治美歸休燕處申申行
慶紫泥新起釣璜國老東海之濱屈指重開此宴應已
拜平津

三

慶八十

熊羆嘉夢風雲亨會礪溪應卜之年黃菊萃英丹萸釀
馥安排預賞芳筵環佩擁神仙向璇題玉宇金縷紅鮮

最好花裯展處雙鳳舞翩翩
人人競擘香牋璨珠璣
溢目祝頌無邊彭祖一分莊椿十倍千秋未足多言日
馭且停鞭把燕閒歡樂分付壺天笑享親朋歲歲春酒
慶團圓

感皇恩

叔父慶宅并章服

代作

健卒走紅塵芝封飛到金縷斜斜印三道舞鸞翔鳳猶
帶御鑪煙裊茜衣新象笏銀章好對此況當鶯花繚
繞畫棟翬翬映蓬島繡簾初卷共指松椿偕老浩歌拚
爛醉金樽倒

二

風雨纔元宵收燈方了深院紅蓮尙圍繞德星同聚更有祥光臨照始知眞洞府春長好應是化工偏憐衰老賸把青藜作榮耀正須沈醉拚卻玉山頻倒寄聲更漏子休催曉

滿庭芳

叔父慶宅并章服

代作

烘錦花堤鋪繡柳巷曉來膏雨初晴畫堂初建碧沼映朱楹最好芙蓉繡褥交輝敞孔雀金屏那堪更華裾滿坐和氣動歡聲冰清眞美行棠陰善政槐市高名今朝消受得茜服光榮況是齊眉竝壽誰云道樂事難并相將見飛鳬過闕除目下彤庭

二

立春詞時方獄空

愛日輕融陰雲初斂一番雪意闌珊柳搖金縷梅綻玉
顚寒知是東皇翠葆飛星漢來至人閒開新宴笙歌逗
曉和氣滿塵寰風光偏舜水賢侯政美棠蔭多歡更
圓屏草鞠木索長閒休向今朝惜醉紅妝映羣玉頽山
行將見宜春帖子清夜寫金鑾

三

次韻姚令威雪消

微霰疏飄驕雲輕簇短檠黯淡籠紗冷禁蘭帳清曉忽
飛花已是平蕪步闊那堪更折竹如蒼凭欄處關心一

葉歸興渺無涯 休嗟爲瑞少適從狼子來自龍沙賴
吾皇神武薄海爲家盡埽腥風殺氣依然放紅日光華
回頭看山蹊水塢縞帶不隨車

四

四明尊老會勸鄉大夫酒

鯨海波澄棠陰日永正宜坐嘯雍容歲豐民樂無訟到
庭中試數循良自古龔黃外誰可追蹤那堪更恩均髦
壽良會此宵同 璇穹占瑞處熒煌五馬璀璨羣公盛
笙歌羅綺共引髯翁祇恐芝泥趣召雙旌展獵獵飛紅
須知道君王渴見名久在屏風

五

勸鄉老眾賓酒

十載江湖一朝簪組寵榮曷稱衰容聖恩不許歸臥舊
廬中慨念東山伴侶煙霞外久闊高蹤今何幸相逢故
里談笑一樽同吾州真幸會湖邊賀監海上黃公勝
渭川遺老絳縣仙翁縱飲何辭爛醉臉霞轉一笑生紅
從今後婆娑化國千歲樂皇風

六

代鄉大夫報勸

油幕初開驛旌前導暫歸梓里春容致身槐揆功在鼎
彝中自是襟懷絕俗今猶記鉛槧陳蹤張高會君恩厚
賜樂與故人同把麾鄞水上相看青眼誰復如公況

親陪樽俎笑接羣翁坐上笑歌屢合須拚到曉日酣紅
公今去恩波四海桃李盡東風

七

代鄉老眾賓報勸

玉闕朝回沙堤煙曉碧幢光動軍容虎符熊軾行指七
閩中假道吾鄉我里揮金事思躡前蹤傾懷處螢窗雪
案猶說昔年同相看俱老大襟期道義不爲王公念
兒時聚戲今已成翁敢借玉壺美酒還爲壽金瓊翻紅
仍頻祝中書二紀寰海振淳風

八

代鄉老眾賓勸鄉大夫

復擁旌麾重歌襦袴滿城長自春容搢紳耆舊歡溢笑
談中盡道邦君愷悌逍遙遂湖海遐蹤今朝會公眞樂
易屈意與人同殷勤東道主揮金漢傳懷綬朱公引
羣仙環拱欲壽吾翁春甕初澄盎綠春衫更輕染香紅
持杯願歸登絳闕花萼醉春風

九

雪

鶴冷風亭鴻迷煙渚曉來雪意填空釀成嘉瑞端爲兆
年豐況有神媧妙手調和得雲彩皆同樓臺上鋪瓊綴
玉隨步廣寒宮天公開地軸八紘混一莫辨提封又
須教歸禽狡獸沈蹤坐見花敷萬木誰知道春已輸工

三杯酒西湖父老相與話時雍

慶清朝

梅花

翠竹莖疏碧溪流淺綺窗爲爾時開依稀遠岸纔見一點寒梅冷定半疑是雪因風還度暗香來乘清興瘦策過橋黃帽青鞋繁枝正從雨後似怨人知晚淚涴冰顚殷勤百繞留連蹋徧莓苔報道玉人睡覺菱花初試曉妝臺攜歸去粉額帶人比竝輕擡

驀山溪

次韻貝守柔幽居卽事

清談無限林下逢人少騎馬蹋紅塵恁區區何時是了

名場利海畢竟白頭翁
山簇翠水拖藍只箇生涯好
君侯灑落卜築開冰沼
三徑直危樓徧巖隈幽花香草
風勾月引餘事作詩人詞歌雪氣淩雲寒瘦羞郊島

青玉案

生日

玉姬曾向瑤池舞輕擲霓裳忤王母
從此煙霄飛鶴馭
一來人世有緣相遇得得爲鴛侶
年年此際霞觴舉
揆彩筆香牋染新句
休餌靈砂奔月去齊眉不老直須
攜手同上青冥路

二

用賀方回韻

湧金斜轉青雲路也逐紛紛玉塵去春色勾牽知幾度
月簾風幌有人應在唾線餘香處年來不夢巫山暮
但苦憶江南斷腸句一笑恩恩何爾許客情無奈夜闌
歸趣簌簌花堦雨

三

爲戴昌言歌姬作

年來減卻風情大百樣收心待不作恰恨山翁停畫舸
雪中把酒美人頻爲淺破櫻桃顚清歌誰許陽春和
悄不放遙空片雲過驚落梁塵渾可可一聲嚶處故園
春近桃李還知麼

西江月